

# Sursilvan gudogna igl teir tradiziunal

Gion Nutegn Stgier/FMR

**Cun Plazi Giusep Cadurvi gudogna egn digls miglers matscheurs grischuns igl teir tradiziunal. Cun anc dus oters tiradours ò igl Sursilvan sabetto igl resultat maximal da 48 puncts. Mantganto igl podest angal per en punct ò la juniora Seraina Jäger.**

Gist quatter onns ò betg ple gia li igl Teir Banadett Fontana. Ossa siva tgi la pandemia è pitost angal ple en tema secundar ò l'Uniu da tiradours Surses organiso puspe igl teir tradiziunal. Chel dattigl gio siva digl 1951, damai fiss sto avant en onn igl giubileum da 70 onns Teir Banadett Fontana. Chel tiradour tgi gudagneva chel, e chegl angal anc avant tschintg decennis, era alloura igl rêtg-tiradour da Surmeir, schi betg gist igl erox dalla regiun. Anc duple atenziun davigl prest per l'uniu tgi gudagneva la standarta desiderada da Banadett Fontana. Aint igl frataimp è alloura sa mido bler cun neir igl teir pi professiunal e cun perder igls teirs istorics er a muntada. Tar egn da chels totga er igl Teir Banadett Fontana, chel era nia introduia igl 1951 an onour digl erox dalla Tgalavagna igl onn 1499.

## 12 quatters an seria

Igl program digl Teir Banadett Fontana è anc adegna igl suandont: tratg vign sen 300 meters, sen la scheba B4 e chegl 14 colps, dus provas e 12 schozs tgi chintan pigl resultat. Trer igl stetg è pussebel cun tot las armas, er las armas da sport. A Plazi Giusep Cadurvi, igl matscheur sursilvan, è reuschia da far gist 12 quatters an seria. El totga aint igl Grischun tar egn digls miglers tiradours ed el è savens davant ainten las rangaziuns da teir. Chegl



Tratg precis ò Seraina Jäger e stada uscheia la migra donna tigl teir tradiziunal. Cò tigl final cantunal da gruppas.

Fotos Gion Nutegn Stgier

### Rangaziun singula

1. Plazi Giusep Cadurvi, Ruschein, 48 puncts, 2. Mattia Ciapponi, Castasegna, 48, 3. Claudio Brazzerol, Farrera, 48, 4. Seraina Jäger, Cunter, 47, 5. Hansjürg Waser, Andeer, 47, 6. Manuela Bieler, Panadoz, 47, 7. Hanspeter Rieder, Castasegna, 47, 8. Kevin Plaz, Rothenbrunnen/Savognin, 47, 9. Linard Jäger, Cunter, 47, 10. Theodor Jäger, Cunter, 46, 11. Ezio Chiesa, Castasegna, 46, 12. Fabian Peng, Filisour, 46, 13. Heidi Gruber, Panadoz, 46, 14. Bini Brunold, Maladers, 46, 15. Severin Torsten, Savognin, 46.

### Rangaziun gruppas

1. Farrera, 468 puncts, 2. Peist, 458, 3. Rona/Surses, 457, 4. Castasegna, 457, 5. Rothenbrunnen, 447, 6. Rona/Surses, 442.

betg angal sen camp regiunal, mabagn er cantunal e naziunal. Ainten la sia carriera da tiradour ò igl om da Laax, tg'è commember dalla Societad da teir Ruschein, gia ples success, cunzont tigl campiunadi grischun e tigl final cantunal da gruppas. Sabetto igl Teir Banadett Fontana ò igl tiradour da 65 onns cun larma libra (Stutzer). Cun Plazi Giusep Cadurvi on er anc Mattia Ciapponi e Claudio Brazzerol fatg 48 puncts e damai igl resultat maximal. Decidia per la victorgia a favour digl Sursilvan ò alla fegn finala igl migler schoz bass (en 99). Tratg ferm ò alloura er Seraina Jäger, la juniora cun annada 2003. Ella ò fatg 47 puncts, en fitg bung resultat e mantganto uscheia igl maximum angal per en sulet punct. Digls radond 70 participants e participantas è ella cuagl 4. plaz la migra donna tigl Teir Banadett Fontana 2022.

# Sa participar è la devisa!

Gion Nutegn Stgier/FMR

**Igl teir campester ò ena tradiziun da passa 150 onns. Tratg vign chel er an Surmeir. A Crappa Naira ad Alvagni vign sabetto sen la distanza da 300 meters ed a Rona sen las distanzas da 300 meters e 25 meters.**

La proxima fejn d'emda stat igl teir campester segl program, er aint igl Grischun. Tar chel teir è igl resultat bagn decisiv, dantant la participaziun è er da gronda muntada. L'occurrènza è segl mond la pi gronda occurrènza da teir tgi dat. Tratg igl teir campester 2022 vign er an Val Alvra ed er an Surses. Menziuno seia tgi la participaziun agl teir campester è er chest onn gratuita. Per trer igls 18 colps cun l'arma da militer e cun la pistola da militer ins paia navot. Per far igl maximum da 72 puncts sen la distanza da 300 meters ed igls 180 puncts sen la distanza da 25 meters dovra en tiradour u ena tiradoura bagn en bung de ed igl cletg duevel. Gl'onno passo è chels resultats magics betg reuschias ad en participant u ad ena participanta da Surmeir. Gudagneva sen la distanza da 300 meters ò gia Beat Bütikhofer Farrera / Hünibach cun 69 puncts. Amprem sen la distanza curta è nia Dominik Oberli, Barvogn cun 169 puncts.

## Taimps da teir

### Crappa Naira 300 meters

Sonda, igls 11 da zarcladour 2022  
18.00–20.00

Dumengia, igls 12 da zarcladour 2022  
09.00–11.30

### Rona 300 meters

Venderde, igls 10 da zarcladour 2022  
17.00–20.30

Sonda, igls 11 da zarcladour 2022  
18.00–20.30

Dumengia, igls 12 da zarcladour 2022  
09.00–11.30

### Rona 25 meters

Sonda, igls 11 da zarcladour 2022  
10.00–17.00